

ORDENANZA FISCAL NUMERO T1

Taxa pola utilización privativa ou aproveitamento especial do dominio público local para a apertura de gabias, sondaxes e calas en terreos de uso público local, inclusive rúas, camiños e demais vías públicas locais, para a instalación e reparación de canos, conduccións e outras instalacións, así como calquera remoción de pavimento ou beirarrúas na vía pública.

Artigo 1º. Concepto e fundamento legal. Feito imponible.

De conformidade có previsto no artigo 57, en relación co artigo 20.1 A), amolos dous do Real Decreto Legislativo 2/2004 que refunde o texto da Lei 39/1988, do 28 de Decembro, reguladora das Facendas Locais, este Concello establece a taxa pola utilización privativa o aproveitamento especial do dominio público local para a apertura de gabias, sondaxes e calas en terreos de uso público local, inclusive rúas, camiños e demais vías públicas locais, para a instalación e reparación de canos, conduccións e outras instalacións, así como calquera remoción do pavimento ou beirarrúas na vía pública, que se rexirá pola presente Ordenanza.

Artigo 2º. Suxeito pasivo e responsables da taxa.

1. Son suxeitos pasivos da taxa regulada nesta Ordenanza, no concepto de contribuíntes, as persoas físicas e xurídicas así como as entidades a que se refire o artigo 35.4 da Lei Xeral Tributaria que disfruten, utilicen ou aproveiten especialmente o dominio público local en beneficio particular mediante a apertura de gabias, sondaxes e calas en terreos de uso público local, inclusive rúas, camiños e demais vías públicas locais, para a instalación e reparación de canos, conduccións e outras instalacións, así como calquera remoción do pavimento ou beirarrúas na vía pública, obtiveran ou non a concesión, autorización ou licenza municipal preceptiva, segundo os casos, e aínda cando fosen as mesmas persoas ou entidades interesadas quen efectúen a súa reposición.
2. Tamén serán suxeitos pasivos da taxa en concepto de contribuíntes as persoas e entidades polas utilizacións ou aproveitamentos descritos no número anterior cando a utilización privativa ou o aproveitamento especial leve aparellada a destrución ou deterioro do dominio público local.
3. Serán responsables da débeda tributaria xunto os suxeitos pasivos ou debedores principais:
 - a) Solidariamente as persoas a que se refiren os artigos 41 e 42 da Lei Xeral Tributaria.

b) Subsidiariamente as persoas a que se refire o artigo 43 da Lei Xeral Tributaria.

Artigo 3º. Cota tributaria.

1. A Cota tributaria da taxa regulada nesta Ordenanza, agás no suposto contemplado no número 2 deste artigo, consistirá na cantidade resultante de aplicar a seguinte tarifa:

— Por cada licenza de apertura de gabias, sondaxes e calas en terreos de uso público local, inclusive rúas, camiños e demais vías públicas locais, para a instalación e reparación de canos, conduccións e outras instalacións, así como calquera remoción de pavimento ou beirarrúas na vía pública, por cada metro cadrado ou fracción, 60,00 Euros.

2. No caso de que a utilización privativa ou o aproveitamento especial se adxudique por procedementos de licitación pública o importe da taxa determinarase polo valor económico da proposición sobre a que recaiga a concesión, autorización ou adxudicación, sen prexuízo de canto dispoñen os números 3 e 4 seguintes.

3. En todo o caso o titular da concesión, licenza ou autorización constituirá un depósito ou garantía pola posible depreciación ou deterioro do dominio público afectado da seguinte contía:

— Por cada metro cadrado ou fracción de pavimento, a cantidade de Euros:

Aglomerado bituminoso	157,19
Formigón blindado	157,20	
Baldosa e adoquín	117,89	
Cemento contínuo	78,60	
Macadam, con ou sen rego asfáltico		55,01

4. Cando a utilización privativa ou o aproveitamento especial leve aparellada a destrución ou deterioro do dominio público local, o suxeito pasivo, sen prexuízo do pagamento da tarifa referida no número 1 anterior, estará obrigado ó reintegro do custo total dos respectivos gastos de reconstrucción ou reparación.

Tales gastos tasaránse polos servizos técnicos municipais e comunicados ó beneficiario do aproveitamento, facéndose efectivos de forma preferente sobre o depósito ou garantía constituída.

Artigo 4º. Normas de xestión.

1. A taxa regulada por esta Ordenanza esixirase en réxime de autoliquidación, polo que ó tempo da presentación da solicitude de licencia ou autorización do aproveitamento deberá acreditar o ingreso na Tesourería Municipal do importe autoliquidado da utilización privativa ou o aproveitamento especial que se solicita.

A autoliquidación aboada non causará dereito algún e non faculta para a utilización ou aproveitamento que constitue o feito impoñible desta taxa, que só poderán levarse a cabo cando se obteña a licencia.

2. Na resolución da solicitude de concesión da licencia elevaráse a definitiva a autoliquidación aboada por contía menor, igual ou superior á autoliquidada.
 - a) No caso de que a liquidación definitiva da taxa sexa de menor contía á autoliquidada, ou no caso de resolución desestimatoria da solicitude, a mesma resolución acordará a devolución polo importe indebidamente ingresado.
 - b) No caso de que a liquidación definitiva sexa superior farase efectivo o exceso dentro do prazo establecido no artigo 62 da Lei Xeral Tributaria para as débedas tributarias resultantes de liquidacións practicadas pola Administración.
3. Na resolución da solicitude de concesión da licencia contificarase o depósito ou garantía a constituir, que se deberá ingresar ou constituir na Tesourería Municipal previamente á utilización ou aproveitamento. O seu réxime de constitución, extensión e cancelación será o regulado no artigo 7º desta Ordenanza.
4. Consideraranse caducadas as licencias se despois de concedidas transcurren trinta días sen se constitui-lo depósito ou garantía nin comezando as obras, ou cando a execución das mesmas non se axuste ás prescricións técnicas da resolución de concesión. Nestes casos sendo a causa da caducidade imputable ó suxeito pasivo, non procederá a devolución do importe autoliquidado, nin á anulación da liquidación practicada pola Administración.

Artigo 5º. Dereito á percepción da taxa.

A taxa regulada por esta Ordenanza percibirase cando se inicie o uso privativo ou o aproveitamento especial, sen prexuízo do réxime de autoliquidación regulado no artigo 4º anterior.

Artigo 6º. Infraccións e defraudacións.

1. Cualifícase como infracción tributaria simple o incumprimento do deber de solicita-la autorización ou licencia con carácter previo á utilización privativa ou ó aproveitamento especial, sen prexuízo de canto establece o número 2

seguinte. Cualifícase como infracción tributaria simple non poñer a disposición dos Servizos Técnicos ou da Policía Local o xustificante ou documento de autorización cando lle sexa requerido nas funcións de control, inspección e vixilancia.

2. Cando se trate de obras que deban ser executadas inmediatamente polos graves prexuízos que a demora poidera producir (fugas de gas, fusión de cables, etc.) poderán iniciarse as obras sen obter previamente a autorización municipal, sen que isto constitúa infracción tributaria. En tal caso o suxeito pasivo deberá solicita-la licencia dentro das vinte e catro horas seguintes ó comezo das obras e xustifica-la razón da súa urxencia. O incumprimento desta obriga será sancionable como infracción tributaria simple nos termos regulados no apartado 1 anterior.

Artigo 7º. Réxime de constitución, extensión e cancelación do depósito ou garantía.

1. A constitución do depósito ou garantía realizarase por calquera dos medios admitidos pola vixente lexislación tributaria.
2. O depósito ou garantía responderá dos seguintes conceptos:
 - a) A reposición do dominio público local afectado ó seu estado orixinario, tanto nos supostos de deterioro como de destrucción
 - b) A indemnización acordada polos danos e perdas causados ó Concello como consecuencia do deterioro ou destrucción do dominio público local afectado.
 - c) O aboamento da diferenza entre a liquidación definitiva practicada pola Administración e a autoliquidación, no seu caso.
 - d) E polas sancións tributarias impostas ó suxeito pasivo, no seu caso.
3. A cancelación do depósito ou garantía producirase, previa solicitude do suxeito pasivo, unha vez concluída a utilización privativa ou aproveitamento especial. A resolución de tal solicitude, previo informe dos servizos técnicos municipais cuantificará cada un dos conceptos a que se estende a garantía.

Artigo 8º. Outras normas de aplicación

1. As persoas ou entidades interesadas na concesión da utilización ou aproveitamento gravados segundo o disposto nesta Ordenanza deberán solicitar previamente a correspondente licencia, con tres días hábiles de antelación, realizar o depósito previo da taxa e formular declaración na que conste a superficie afectada e as datas inicial e final de dita ocupación solicitada. No suposto de actuacións por emerxencia ou actuacións urxentes por motivos de seguridade ou salubridade pública deberá procederse a presentar a solicitude tan pronto como sexa posible, xunto con un plano

estimado de superficie afectada e prazo estimado de ocupación. Unha vez realizadas as labores preventivas procederase á subsanación da solicitude e xiraranse as liquidacións complementarias que procedan. A notificación poderá retirarse persoalmente nas oficinas municipais ata o día hábil inmediato anterior á data declarada de inicio de ocupación, en caso contrario notificarase polo servizo de Correos.

2. Os servizos técnicos do Concello e a Policía Local comprobarán e investigarán as declaracións formuladas polos interesados, concedéndose as autorizacións ou notificando as diferencias ou deficiencias observadas, non concedéndose neste último caso as autorizacións ata a súa subsanación e realizados os ingresos complementarios que procedan. No suposto de detectarse ocupación máis aló da data final declarada, considerarase unha ocupación nova sen autorización.
3. Non se consentirá a ocupación da vía pública ata que se teña aboado a taxa e se teña obtido a correspondente licencia polos interesados. O incumprimento deste mandato poderá dar lugar á non concesión da licencia, sen perxuízo do pago da taxa e das sancións e recargos que procedan.
4. A ocupación autorizada non poderá obstaculizar o paso a espazos de uso común (xardíns, áreas peatonais, aparcamentos, accesos a garaxes, accesos a inmobles) ou o tránsito de vehículos e peóns salvo no que fora expresamente autorizado.
5. Deberán quedar libres para a súa inmediata utilización, se fose necesario, os elementos de servizos públicos tales como bocas de rego, rexistros de sumidoiros, saídas de emerxencia, arquetas de rexistro de servizos e análogos, así como o mobiliario urbán de uso e servizos, salvo que expresamente se autorizara o contrario e baixo o estrictamente autorizado.

Disposición derradeira. Entrada en vigor e comezo de aplicación da Ordenanza.

A presente Ordenanza entrará en vigor ó día seguinte ó da súa publicación no “Boletín Oficial da Provincia de Lugo” e comezará a súa aplicación na mesma data.

DILIXENCIA: a presente Ordenanza foi modificada no seu artigo 3 por acordo plenario de data 19 de novembro de 2009 e publicada definitivamente no BOP número 29 de 5 de febreiro de 2009

DILIXENCIA: a presente Ordenanza foi modificada nos seus artigos 3, 6 e 8 por acordo plenario de data 9 de novembro de 2011 e publicada definitivamente no BOP número 299 de 31 de decembro de 2011